

# 佛說觀想佛母般若波羅蜜多菩薩經

西天譯經三藏朝散大夫試鴻臚少卿明教大師臣天息災奉 詔譯

灌頂真言：

唵(引)曩莫舍(引)吉野(二合)母曩曳(引)怛他(引)誡哆(引)野(引)囉賀(二合)帝(引)三藐三沒馱(引)野

Oṃ, namaḥ śākyamunaye tathāgatāya arhate samyak-saṃbuddhāya.

誦此真言七遍，以手於頭上灌頂及摩觸遍身，然後息念，志心作佛母般若波羅蜜多菩薩觀行。想此菩薩三面三眼，身真金色，坐吉祥藏師子座，座有千葉金蓮。身有六臂，右邊三臂，第一臂執數珠，第二臂執箭，第三臂作施願相。左邊三臂，第一臂執經，第二臂執弓，第三臂執如意寶。如是六臂種種莊嚴。於其身上，復放無數百千那由他俱胝光明，遍滿一切世界。復想一切如來及多羅菩薩等一切菩薩，具足相好，莊嚴其身，以諸香花而親供養。如是觀想已，復念心真言：

唵(引)曩莫舍(引)吉野(二合)母曩曳(引)怛他(引)誡哆(引)野(引)囉賀(二合)諦(引)三藐三沒馱(引)野怛地也(二合)他(引)唵(引)母儻母儻摩賀(引)母曩曳(引)娑嚩(二合引)賀(引)

Oṃ, namaḥ śākyamunaye tathāgatāya arhate samyak-saṃbuddhāya. Tadyathā, muni muni mahā-munaye svāhā.

次誦根本真言：

怛地野(二合)他(引)唵(引)惹曳(引)惹曳(引)鉢納摩(二合引)鼻嚩阿(引)嚩銘(引)娑(引)囉娑羅尼地里地(引)囉地里地(引)囉嚩囉哆(引)努波(引)攞儻沒度(引)哆(引)囉尼布(引)囉野布(引)囉野婆誡嚩底薩里嚩(二合引)舍(引)摩摩波里布(引)囉野娑波里嚩(引)囉寫薩里嚩(二合)薩怛嚩(二合引)喃(引)左薩里嚩(二合)迦里摩(二合引)嚩囉拏(引)儻尾戍(引)馱野尾戍(引)馱野沒馱(引)地瑟姪(二合引)呢(引)曩娑嚩(二合引)賀(引)

Tadyathā, oṃ, jaye jaye padma abhi-vaḥ āva me, sāra sa-raṇi, dhiri dhīra, dhiri dhīra, devatā anu-pālani buddhottāraṇi, pūraya pūraya bhagavati, sarva āśā mama pari-pūraya sa-parivārasya sarva sattvānāṃ ca, sarva karma-āvaranāṇi vi-śodhaya vi-śodhaya, buddha-adhiṣṭhānena svāhā.

誦此真言已，復作觀行。想彼佛母般若波羅蜜多菩薩右邊有釋迦世尊、燃燈世尊、無量壽世尊、智決定世尊、光明王世尊、雷聲吼音世尊、金花世尊、散花世尊。於菩薩左邊有毘婆尸世尊、羯俱怛那世尊、迦諾迦牟尼世尊、迦葉世尊、寶手世尊。於菩薩前面有大遍照世尊、寶生世尊、阿彌陀世尊、不空成就世尊、阿閼世尊。於菩薩後面有最上蓮華世尊、最上寶世尊、喜吉祥世尊、琉璃光世尊、不思議吉祥世尊。於菩薩前，復有聖觀自在菩薩、慈氏菩薩、普賢菩薩、妙吉祥菩薩、歸命菩薩、不思議吉祥聲菩薩、金剛手菩薩、無盡意菩薩、辯積菩薩、無邊辯菩薩、虛空藏菩薩、無垢稱菩薩、自在行菩薩、法生菩薩、常啼菩薩、月光菩薩、法雲菩薩、地藏菩薩、寶藏菩薩、寶幢菩薩、尸棄菩薩、香象菩薩、金毘羅菩薩，如是等一切菩薩摩訶薩遍滿佛刹。復有顰眉明王等，亦在菩薩前。如是聖眾一一觀想已，復想人間天上殊妙香花珍寶供具，以用供養佛母般若波羅蜜多菩薩，并諸眷屬一切菩薩。作此觀已，是人不久當成正覺。

### 佛說觀想佛母般若波羅蜜多菩薩經

---

【經文資訊】大正新脩大藏經第 08 冊 No. 0259 佛說觀想佛母般若波羅蜜多菩薩經

【版本記錄】CBETA 電子佛典 Rev. 1.15 (Big5)，完成日期：2007/12/14

【編輯說明】本資料庫由中華電子佛典協會（CBETA）依大正新脩大藏經所編輯

【原始資料】維習安大德提供之高麗藏 CD 經文，CBETA 自行掃瞄辨識，CBETA 提供新式標點，其他

【其他事項】本資料庫可自由免費流通，詳細內容請參閱【[中華電子佛典協會版權宣告](#)】

---

公元二零一三年五月三十一日馬來西亞萬撓佛教會蔡文端居士修訂及修正。